

Publicaziuns officialas dils 11 da settember 2026

Vischnaunca Trun

Damondas da baghegiar

Datum da publicaziun: 11-09-2026
Petent: Lucas e Genoveva Decurtins, Via Plaun 2, 7166 Trun
Representanza: Tarcisi Maissen SA, Via Resgias 16, 7166 Trun
Object: (midada project). Midada dil balcon el plaun sura sin parcella 1904 a Campliun
Zona: Zona d'adattaziun dil vitg

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Elecziun dalla suprastanza communal

dils 27-09-2026 – Perioda d'uffeci 2027-2029

per quellas elecziuns valan suandontas persunas sco proponidas:

President communal:
Tomaschett Dumeni, en uffeci

Geraua/Geraus
Della Valle Martino, en uffeci
Menzli Silvana, en uffeci
Wolf Kurt, en uffeci
1 post vacant

Administraziun communal Trun

Votaziuns federalas, cantunalas ed elecziun communal dils 27-09-2026

L'urna principala en canzlia communal ei aviarta sco suonda:

Gievgia, ils 24-09-2026, 09.30-11.30, 15.30-17.30
Venderdis, ils 25-09-2026, 09.30-11.30, 15.30-17.00
Dumengia, ils 27-09-2026, 09.00-10.30

La documentaziun da votar duess mintga votant/a ha ver obteniu. Cass cuntrari san ins s'annunziar immediatamein, denton il pli tard entochen venderdis, ils 24 da settember 2026 allas 17.00 tier l'administraziun communal (tel. 081 920 20 40).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (gratuitamein) ni directamein fierer en la scaffa da brevs dalla canzlia communal.

Ils cedels da votar ston esser il pli tard la dumengia, ils 27 da settember 2026 allas 10.30 tier l'administraziun communal. Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Pleiv catolica romana Trun

Viadi da pelegrinadi a Feldkirch, mesjamna, ils 23-09-2026

Uonn ei il giubileum da 800 onns dapi la mort da pader Franz d'Assisi, aschia meina nies viadi da pelegrinadi nus a Feldkirch tier la claustra dils Caputschins.

Program:

08:00 partenza
10:00 beinvegni e viseta dalla claustra
12:15 gentar communabel
14:00 guida tras il marcau (tgi che po)
16:00 viadi da retourn
18:00 arrivada

Annunzias ed informaziuns tier nossa secretaria, 079 714 22 50, sekretariat@pleivtrun.ch. Nus selegrein da stedia participaziun.

Casa S. Martin Trun

Occurrenza publica: Professiuns AFQ en Casa s. Martin, 21 da settember 2026 allas 19.00.

per absolvents ed absolventas da scola, novizs, traversals:as e tut quels che vulan far dapli ord lur futur. Empren d'enconuscher las professiuns AFQ dalla Casa s. Martin e las personas responsablas per la formaziun. Nus selegrein sin Tia participaziun.
cuschinier:a AFQ; manteniment dil menaschi AFQ (naven da 2028); economia da casa AFQ; specialist:a da sanadad AFQ; assistent:a da sanadad e fatgs socials AFP

Öffentlicher Anlass: EFZ Berufe in der Casa s. Martin, 21. September 2026, 19 Uhr.

Für Schulabgänger: innen, Quereinsteiger:innen und alle, die mehr aus ihrer Zukunft machen wollen. Lerne die EFZ Berufe der Casa s. Martin und die Bildungsverantwortlichen kennen. Wir freuen uns auf Deine Teilnahme. Köchin /Koch EFZ; Fachfrau /Fachmann Betriebsunterhalt EFZ

(ab 2028); Fachfrau /FACHMANN Hauswirtschaft EFZ; Fachfrau /Fachmann Gesundheit EFZ;
Assistentin /ASSISTENT Gesundheit und Soziales EBA

Uniun da dunnas Trun/Zignau

Spassegiada d'atun a Surrein

Bugen envidein nus vus ad ina sentupada ella Destillaria Candinas a Surrein. **Mardis, ils 15 da settember 2026**, allas 18.23 cul tren tochen Rabiis. Spassegiada: naven da Rabiis tochen Surrein. Ella Destillaria survegnin nus ina cuorta guida e silsuenter havein nus peda da seser ensemen e guder ina biala sera cun ina buna platta carn ed in bien dessert. Il transport a casa vegn organisau dil comité. Sch'enzatgi po buca far la spassegiada naven da Rabiis tochen Surrein a pei astga ella bugen s'annunziar tier la cassiera (ramypetschen@hotmail.ch; 079 443 63 69) ed ei vegn organisau in transport. Il bigliet pil tren procura mintgina sezza. Bugen spitgein nus voss'annunzia tochen dumengia, ils 13 da settember. Nus selegrein sin ina biala ed emperneivla sera.

il comité